

## ТРОПАРИ И КОНДАКИ ДНЕВНЫЕ НА ВСЮ СЕДМИЦУ \*

В воскресенье вечером и в понедельник утром,  
Небесным чинам Бесплотным

Тропарь, глас 4-й

Небесных воинств Архистратізи, молим вас прісно мы недостойнии, да вашими молитвами оградите нас кровом крил невестественная ваша славы, сохраняюще нас припадающих прилежно, и вопиющих: от бед избавите нас, яко чиноначальницы вышних Сил.

Кондак, глас 2-й

Архистратізи Божии, служителие Божественная славы, Ангелов начальницы, и человеков наставницы, полезное нам просите, и велию милость, яко Бесплотных Архистратізи.

В понедельник вечером и во вторник утром,  
пророку, Предтече и Крестителю Господню Иоанну

Тропарь, глас 2-й

Память праведнаго с похвалами, тебе же довлѣет свидѣтельство Господне, Предтече: показал бо ся еси воистинну и пророков честнейший, яко и в струях крестити сподобился еси Проповѣданнаго. Темже за истину пострадав радуясь, благовестил еси и сущим во аде Бога, являшагося плотию, вземлющаго грех мира, и подающаго нам велию милость.

Кондак, глас 2-й

Пророче Божий, и Предтече благодати, главу твою, яко шипок священнейший, от земли обретше, исцеления всегда приемлем: ибо паки, якоже прежде, в мире проповѣдуеши покаяние.

---

\* Богослужбный день начинается с вечера предшествующего дня, поэтому тропарь понедельника читается на вечерних богослужениях в воскресенье и на утренних богослужениях в понедельник, и т. д.

Во вторник вечером и в среду утром,  
честному Кресту

Тропарь, глас 1-й

Спаси, Господи, люди Твоя, и благослови достояние Твое, победы православным христианом на сопротивныя даруя, и Твое сохраняя Крестом Твоим жительство.

Кондак, глас 4-й

Вознесиися на Крест волею, тезоименитому Твоему новому жительству щедроты Твоя даруй, Христе Боже; возвесели нас силою Твоею, победы дай нам на супостаты, пособие имущим Твое оружие мира, непобедимую победу.

В среду вечером и в четверг утром,  
апостолам и святителю Николаю

Тропарь апостолам, глас 3-й

Апостоли святии, молитве милостиваго Бога, да прегрешений оставление подаст душам нашим.

Тропарь святителю Николаю, глас 4-й

Правило веры и образ кротости, воздержания учителя, яви ты стаду твоему Яже вещей Истина; сего ради стяжал еси смирением высокая, нищетюю богатая, отче священноначальниче Николае, моли Христа Бога спастися душам нашим.

Кондак апостолам, глас 2-й

Твердые и боговещанные проповедатели, верх ученик Твоих, Господи, приял еси в наслаждение благих Твоих и покой: болезни бо оных и смерть приял еси паче всякаго всеплодия, единые сведый сердечная.

Кондак святителю Николаю, глас 3-й

В Мирех, святе, священнодействитель показался еси: Христово бо, преподобне, евангелие исполнив, положил еси душу твою о людех твоих, и спас еси неповинныя от смерти, сего ради освятился еси, яко великий тайник Божия благодати.

В четверг вечером и в пятницу утром,  
честному Кресту

Тропарь, глас 1-й

Спаси, Господи, люди Твоя, и благослови достояние Твое, победы православным христианом на сопротивныя даруя, и Твое сохраняя Крестом Твоим жительство.

## Кондак, глас 4-й

Вознесѣйся на Крест волею, тезоименитому Твоему новому жителству щедроты Твоя даруй, Христѣ Божѣ; возвесели нас силою Твоею, победы дай нам на супостаты, посobie имущим Твое оружие мира, непобедимую победу.

В пятницу вечером и в субботу утром,

всем святым, и за умерших

Тропарь святым, глас 2-й

Апостоли, мученицы и пророцы, святителие, преподобнии и праведнии, добре подвиг совершившии и веру соблюдшии, дерзновение имуще ко Спасу, о нас Того яко Блага молите спастися, молимся, душам нашим.

Тропарь за упокой, глас 2-й

Помяни, Господи, яко благ, рабы Твоя, и елика в житии согреша, прости: никтоже бо безгрешен, токмо Ты, могый и преставленным дати покой.

Кондак, глас 8-й

Со святыми упокой, Христѣ, души раб Твоих, идеже несть болѣзнь, ни печаль, ни воздыхание, но жизнь безконечная.

Мученичен, глас 8-й

Яко начатки естества Насадителю твари, вселенная приносит Ти, Господи, богоносныя мученики; тех молитвами в мире глубоче Церковь Твою, жителство Твое, Богородицею соблюди, Многомилостиве.